

¡BOMBA!

El entusiasmo contagia
ahora que se anuncia feria;
que al fin se vaya la histeria
y a Tulum vuelva la magia



K'intsil

Jueves 13 de noviembre de 2025

CAMPECHE · YUCATÁN · QUINTANA ROO · AÑO 11 · NÚMERO 2606 · www.lajornadamaya.mx

Máasewalo'obe' tu líik'saj u t'aano'ob tu múuch'il COP30 yóok'olal máaxo'ob táan u táakpajali'



Oochel Efe

Y a'abach máasewal máako'obe' tu yaktáanto'ob le martes máanika', máaxo'ob kaláantik u noj múuch'tambalil Conferencia de las Naciones Unidas yóok'olal Cambio Climático (COP30) tu noj lu'umil Belém, tumen tu ts'áajubajo'ob okol ichil kúuchil tu'ux táan u beeta'al le noj meyajo'. Lelo' ma' jump'éeel ba'al suuk u yila'ali' ichil múuch'tambal

ku beeta'al tumen u mola'ayil Organización de las Naciones Unidas (ONU), beey úuchik u ya'alik u ajts'iib péektsilo'ob Afp.

Máasewal wiiniko'obe' tu líik'saj u t'aano'ob yéetel óok'ot tu táan kúuchil antes u yokolo'obi', ba'ale' máaxo'ob ku kalano'ob te'elo' tu t'úulchintajo'ob ti'al u jóok'olo'ob. Ajkanan kaajo'obe' tu ts'áajo'ob sillal yéetel mesas te'el joolnajo' ti'al ma' u béeytal u ka' okolo'obi'.

Juntuul u jts'iib péektsil Afp tu yilaj táan u jóok'sa'al juntúul jkanan kaaj yóok'ol silla de ruedas.

U kaláanta'al ichil kúuchil tu'ux táan u beeta'al COP30e' k'ubéenta'an ti' ONU; le táankabilo', p'ata'an tu k'ab u mola'ayilo'ob kanan Brasil. María Clarae', juntúul ti' máaxo'ob tu líik'saj u t'aane', ku meyaj ichil u múuch'kabil Rede Sustentabilidade de Bahía, tu

tsolaj líik'saj t'aane' beeta'abe' táan u kaxtik ka'ach u chíikbesik bix yanik "máasewal kaajo'ob". Ba'ale' "t'aano'obe' ma' táan u yu'ubali'", tu ya'alaj.

COP30e', múuch'tambal yóok'olal cambio climático, táan u beeta'al ti' amazónicaal kaaj, tu xamanil Brasil. Káaj le 10 ti' noviembre máaniko', yéetel tukulta'an u ts'o'okol tu k'iinil 21 ku taala'.